

FERÐIR

LAUGARDAGUR 29. MARS 2014

Kynningarblað

Áfangastaðurinn Grænland,
Orgelsmiðja á Stokkseyri,
kínverskur skemmtigarður og
Hlíðarfjall.



Börn í boltaleik í bænum Tasiilaq á austurströnd landsins.

MYND/ÚR EINKASAFNI



Einungis 5.000 manns búa á austurströnd landsins.

MYND/ÚR EINKASAFNI



Það er einstök upplifun að róa um á kajak og skoða risastóra ísjaka.

MYND/GETTY

Faldi demanturinn í vestri

Ferðapjónusta á Grænlandi hefur vaxið hægt og rólega frá síðustu alamótum. Landið býður upp á stórkostlega og einstaka náttúru í bland við fjölbreytta afþreyingu. Flestir ferðamenn heimsækja Grænland um vor eða sumar þegar veðurfar er hagstæðara.

Þrátt fyrir að einungis taki um tvær klukkustundir að fljúga til austurstrandar Grænlands hafa flestir Íslendingar lítið ferðast þangað undanfarin ár. Grænland er engu að síður stórmerkilegt land og eiginlega heill heimur út af fyrir sig. Ferðamenn sem þangað sækja stunda meðal annars kajakferðir, gönguferðir, fara í hundasleðaferðir, ísjakaskoðunarferðir og hvalaskoðun auk þess að stunda ýmiss konar veiði.

Einn þeirra Íslendinga sem hafa ferðast mikið um Grænland er Valdimar Halldórsson en hann hefur verið með annan fótinn á austurströnd landsins undanfarin tvö ár. „Ég gekk yfir Grænlandsjökul á skíðum fyrir tveimur árum og hreifst mjög af landi og þjóð. Síðan þá hef ég ferðast töluvert á austurströndinni en einnig á vestur- og suðurhluta landsins.“

Erfiðar samgöngur

Valdimar hefur lítillaga komið nálægt rekstri ferðapjónustu ásamt félaganum sínum Jóni Grétari Magnússyni. Sú starfsemi er í bænum Tasiilaq á austurströnd Grænlands. Að sögn Valdimars er sú starfsemi ekki síður rekin af áhuga en arðsemissjónarmiðum. „Þótt straumur ferðamanna til Grænlands hafi vaxið jafnt og þétt er það ekkert í líkingu við aukninguna til Íslands undanfarin ár. Stærsti þátturinn sem takmarkar frekari vöxt eru erfiðar samgöngur. Grænland hefur aðeins einn alþjóðlegan flugvöll sem er í Syðri-Straumfirði á vesturströndinni. Ef flytja þarf ferðamenn milli þorpa og bæja þarf því oft að nota þyrlur eða báta. Menn keyra að minnsta kosti ekki á milli



Valdimar Halldórsson hefur oft ferðast til Grænlands og hreifst af landi og þjóð.

MYND/ÚR EINKASAFNI

staða í rútum. Til Grænlands kemur gjarnan ævintýrafólk sem er tilbúið að borga aðeins meira fyrir slíka heimsókn í stað þess að borga minna fyrir ferð á sólarströnd.“

Framandi matur

Að sögn Valdimars heimsækja flestir ferðamenn vesturströnd Grænlands vegna flugvallarins í Syðri-Straumfirði. Mun færri búa á austurströndinni þar sem Valdimar þekkir betur til. „Íbúum þar gengur þó ágætlega að taka á móti ferðamönnum. Fólk þar er öðruvísi þenkjandi enda eru þar fámennt veidimannasamfélög. Þar eru menn ekki alltaf að horfa á klukkuna heldur snýst lífið um veiðiskap og að bjarga sér.“

Hugrakkir ferðalangar bragða að sjálf-

sögðu á veitingum heimamanna en þær samanstanda meðal annars af fiski og spiki og kjöti af sel og náhval. „Veitingastaðir á Grænlandi bjóða margir upp á hreindýr og sauðnaut en þau ganga villt. Sjófuglinn er auk þess sérlega vinsæll matur hjá veiðimönnum á Austur-Grænlandi.“

Veðurfar er skaplegt á vorin og sumrin þótt það sé misjafnt eftir landslutum. „Heitast er á suðurhluta eyjarinnar en kaldara eftir því sem norður dregur. Hitinn getur farið í 15-18 gráður auk þess sem það verður mjög bjart líka.“

Valdimar spáir áframhaldandi vexti í ferðapjónustunni en sem fyrr segir ráðist sá vöxtur af samgöngum. „Væntanlega munu fleiri skemmtiferðaskip koma hingað en til að vaxa hraðar þarf fleiri og betri flugvelli. Framtíðin verður að skera úr um þá þróun.“



FLUGFÉLAG ÍSLANDS

EGGJANDI PÁSKAFLUG

FLUGFELAG.IS



Skíðakennarar skíðaskólans taka vel á móti krökkum.

MYND/ÚR EINKASAFNI

Hlíðarfjallið heillar

Akureyri er sívinsæll viðkomustaður Íslendinga yfir páskana og í því eiga skíðabrekkurnar í Hlíðarfjalli stóran þátt. Hlíðarfjall býður upp á frábæra aðstöðu fyrir skíða- og brettafólk á öllum aldri, byrjendur jafnt sem lengra komna. Að sögn Guðmundar Karls Jónssonar, forstöðumanns í Hlíðarfjalli, er nægur snjór í fjallinu og langtímaveðurspáin góð fyrir næstu vikur. „Við bjóðum upp á sérstakan barnaskíðaskóla fyrir börn á aldrinum 5-12 ára. Það er sérstaklega hentugur möguleiki fyrir fjölskyldufólk sem á ung börn sem eru að stíga sín fyrstu skref á skíðum. Krakkarnir koma hingað kl. 10 og eru að til ýmist kl. 12 eða 14. Hér læra þau á skíði hjá fagmönnum og fá einnig léttan hádegismat. Á meðan geta foreldrar skíðað áhyggjulaust. Svo er einnig vinsælt meðal fullorðinna að fínstilla stílinn með því að fá sér skíðakennara í einn til tvo tíma.“

Í vikunni fyrir páska er Hlíðarfjall opið kl. 10-19 en yfir páskana er opnunartíminn kl. 9-16.

Allar nánari upplýsingar um aðstöðuna í Hlíðarfjalli og opnunartímann má finna á www.hlidarfjall.is og á Facebook.



Starfsmenn garðsins syngja og dansa fyrir gesti.

NORDICPHOTOS/GETTY

Umdeild dvergaparadís

Í Kína er að finna allnokkra furðulega ferðamannastaði. Einn slíkur er „Kingdom of the Little People“ eða Konungsríki smáa fólksins sem er skemmtigarður nærri borginni Kunming. Allir starfsmenn garðsins eru dvergaxnir eða minni en 130 cm.

Garðurinn var stofnaður í september árið 2009 af Chen Mingjing, auðugum fjárfesti á fasteignamarkaði. Ári eftir stofnun garðsins voru starfsmenn orðnir um hundrað talsins en Chen vonast hins vegar til að með árunum muni dvergaxnum starfsmönnum fjölga í eitt þúsund. Flestir gestir garðsins koma úr nærliggjandi bæjum en framtíðarstefnan er að gera garðinn að áfangastað erlendra ferðamanna í auknum mæli.

Starfsmennirnir smávöxnu búa allir saman í búðum nærri garðinum, í byggingum sem eru sérstaklega útbúnar fyrir dvergaxnar manneskjur.

Starfsmenn syngja og dansa fyrir gesti og setja upp ævintýri og ballettsýningar með grínivafi. Þá eru af og til hip hop-danssýningar. Oft er í aðalhlutverki svokallaður Dvergakonungur, leikari sem er aðeins metri á hæð. Hann klæðist gullskikkju og ekur um á mótörþríhjóli.

Fjölmörg alþjóðleg samtök hafa gagnrýnt garðinn og telja að hann líkist helst mennskum dýragarði, geri grín að dvergöxnu fólki og sé til þess fallinn að einangra þá fötluðu frá samfélaginu. Chen vill hins vegar meina að garðurinn veiti fólki vinnu sem að öðrum kosti fengi hvergi annars staðar starf.



Gestagangur í Orgelsmiðjunni

Björgvin Tómasson orgelsmiður hefur opnað verkstæði sitt á Stokkseyri fyrir ferðamönnum. Þar mun hann leiða fólk í allan sannleikan um pípuorgel auk þess sem hægt er að fylgjast með starfi smiðanna. Í tilefni opunarinnar verður frítt inn á laugardag og sunnudag frá 11 til 17.

Í frystihúsinu á Stokkseyri hefur Björgvin Tómasson orgelsmiður komið sér vel fyrir með Orgelsmiðju sína. Björgvin er eini orgelsmiður landsins og eftir hann liggja ófá verk í íslenskum kirkjum, í allt 37 pípuorgel af þeim 120 sem til eru á landinu.

„Árið 2005 bauðst mér pláss hér á Stokkseyri og ég sló til og flutti,“ segir Björgvin sem kann afar vel við sig í frystihúsinu. „Í fyrstu angaði hér allt af fiskilykt en svo múraði ég mig frá fiskvinnslusalnum og innréttaði þessa 430 fermetra fyrir mína starfsemi,“ segir Björgvin en frystihúsið er nokkurs konar menningarmiðstöð í bænum. Þar er rekið Draugasetur og þar hafa aðstöðu listmálarar og leirkarasmíður. „Við erum þó enn tengd sjónum því hér er líka lítil fiskvinnsla sem heitir Krossfiskur,“ segir hann glettinn.

Björgvin segir vel fara um sig á Stokkseyri. „Þetta er hentugur staður fyrir starfsemi á bord við mína enda í þægilegri fjarlægð frá borginni. Þá er þetta þægilegt samfélag, svipað því og þegar ég var að alast upp í Mosfellssveitinni í gamla daga,“ segir hann brosandí.

Spilar fyrir gesti

Í þau ár sem Björgvin hefur verið með Orgelsmiðju sína í frystihúsinu hefur hann tekið á móti fjölda fólks, bæði einstaklingum sem hafa komið inn á verkstæðið fyrir einskæra tilviljun og hópum sem hafa gert boð á undan sér. „Mér fannst því athugandi að opna smiðjuna fyrir gestum gegn gjaldtöku enda liggur heilmikil vinna í því að taka á móti fólki og leiða það um verkstæðið,“ segir Björgvin. Hugmyndin fékk góðar undirtektir og hlaut Björgvin til að mynda styrk frá Sambandi sunnleiksmiðna í Þýskalandi, Landsbankanum og Nýsköpunarmiðstöð til að láta hana verða að veruleika. „Frá áramótum höfum við unnið að því að breyta húskynnunum. Við höfum málað, sett upp sýningargripi og sýningarfleka,“ lýsir Björgvin en með honum starfa tveir smiðir, þeir Jóhann Hallur Jónsson og Guðmundur Gestur Þórisson.

En hvað geta gestir búist við að sjá? „Ég mun sýna þeim þróun pípuorgelsins en það er gríðarlega gamalt fyrirbæri sem rekja má aftur til ársins 246 fyrir Krist. Ég mun fara yfir þróun hljóðfæranna og segja frá minni starfsemi í þau 28 ár síðan ég sneri heim úr námi,“ segir Björgvin sem einnig leyfir gestum sínum að njóta hljómannanna úr hljóðfærnum. „Ég er hér með eitt pípuorgel frá 1754 sem ég spila stundum á og segi þá fólki frá því að allar líkur séu á að Mozart hafi spilað á þetta sama hljóðfæri,“ segir Björgvin glettinn en orgelið umrædda á uppruna að rekja til Austurríkis.



Björgvin er eini orgelsmiður landsins. Í íslenskum kirkjum er að finna 37 orgel sem smíðuð eru af honum.

MYND/STEFAN

Gefandi en erfitt starf

Björgvin segist hafa dottið inn í orgelsmiðina af hálfgerðri tilviljun. „Ég var að velta fyrir mér að fara út í píanóstillingar en svo álpaðist ég út í pípuorgelin,“ segir hann en Björgvin lærði orgel- og harmóníumsmiði í Þýskalandi. „Þetta hefur bæði verið skemmtilegt en líka erfitt enda hefur maður þurft að berjast fyrir tilvist sinni. En vitanlega er mjög gefandi starf að hanna hljóðfæri frá byrjun og sjá það rísa smátt og smátt. Þá er ánægjuleg tilfinning þegar hljóðfærið er vígt í kirkjunni,“ segir Björgvin sem hlakkar til að hefja nýjan kafla í ferðaþjónustu. „Ég hef mjög gaman af að taka á móti fólki. Það liggur ágætlega fyrir mér að segja frá og ég verð var við að fólk fer fremur ánægt héðan út,“ segir hann glæðilega og vonast til að sjá sem flesta í smiðjunni sinni.

Mikið framboð fyrir ferðamenn


Orgelsmiðjan er enn ein fjöðrin í hatt nágrannapörpönnu Stokkseyrar og Eyrarbakka en þar geta ferðamenn fundið margt til að skoða og gera. „Á Stokkseyri má nefna Veiðisafnið, kajakleiguna, gallerí þar sem heimafólk er með handverk, veitingastaðinn Fjöruþorðið, gistihús-

ið Kvöldstjörnunna, gróðrarstöð sem er algjör vin í þorpínu og afar gott tjaldstæði. Á Eyrarbakka býður Siggeir Ingólfsson upp á gönguferðir um þorpin og Húsið á Eyrarbakka er skemmtilegur viðkomustaður. Þá er búið að endurvekja búið sem Guðlaugur Pálsson rak í eina tíð en hann var í áratugi einn elsti kaupmaður landsins. Það er Magnús Karel Hannesson sem bregður sér í hlutverk Guðlaugs og lætur mann detta marga áratugi aftur í tímann,“ telur Björgvin upp og nefnir einnig hjónin Valgeir Guðjónsson og Ástu Krístrúnu sem ætla sér að byggja upp menningartengda ferðaþjónustu í bænum. Þá má ekki gleyma Konubókastofu sem er einnig hluti Bókabæjar austan fjalls. „Það verður enginn svikinn af sunnudagsbílúr hingað,“ segir hann glæðilega.

Opnun Orgelsmiðjunnar fer fram núna um helgina og verður ókeypís í dag og á morgun en opið er frá kl. 11 til 17. Hljómsveitin Var mun halda tónleika í Orgelsmiðjunni í dag klukkan 16.

Sýningin verður opin framvegis kl. 10 til 18 virka daga og eftir samkomulagi um helgar. Orgelsmiðjan er til húsa á Hafnargötu 9, sjávarmegin, á Stokkseyri. Nánar á www.orgel.is.

AKUREYRI



www.visitakureyri.is

Upplýsingamiðstöð í HOFI | 600 Akureyri | tel. 450 1050 | info@visitakureyri.is



HUGA ÞARF AÐ GILDIS- TÍMA VEGABRÉFA

Athuga þarf gildistíma vegabréfs í tíma áður en lagt er í ferð þar sem ferðamönnum er sums staðar neitað um landgöngu ef stutt er í að vegabréf þeirra renni út.

„Utanríkisráðuneytið hvetur alla þá sem eru á leið til ríkja utan EES-svæðisins að huga að því að fá nýtt vegabréf, ef minna en sex mánuðir eru eftir af gildistíma gamla vegabréfsins þar sem búast má við að ríki geri kröfu um og setji það sem skilyrði fyrir landgöngu að vegabréf gildi a.m.k. sex mánuði fram yfir áætlaðan dvalartíma í viðkomandi ríki.“

Afgreiðslutími vegabréfa er allt að tíu dagar og getur verið lengri ef frídagar eru á tímabilinu. Vegabréfið er sent í A-pósti til umsækjanda á það heimilisfang sem hann tiltekur eða á skrifstofu sýslumannsembættis. Ekki er hægt að sækja vegabréfið beint í afgreiðslu Þjóðskrár, nema um hraðafgreiðslu sé að ræða. Hraðafgreiðslu þarf að sækja um og greiða sérstaklega fyrir. Heimild: Vefsíða Þjóðskrár, www.skra.is.



Á FERÐINI MEÐ BÖRNIN

Ferðalög þar sem börn eru með í för þarfnast aðeins meiri skipulagningar en þegar aðeins fullorðnir ferðast saman. Hugur farið skiptir miklu máli, það er ágætt að vænta þess að vandamál komi upp og taka einfaldlega á þeim þegar þau verða til. Ef lítið er björtum augum á hlutina virðast þær hindranir sem verða á veginum minni en ella.

Farangurinn verður augljóslega meiri þegar börn eru með í för og ýmislegt sem ekki má gleymast. Þar á meðal eru lyf fyrir börnin ef þau skyldu veikjast á ferðalaginu. Blautklúta er hentugt að hafa með til að þrifa skítuga fingur og rennandi vatn er ekki nálægt. Leikföng, bækur og geisladiskar eru nauðsynlegir hlutir til að stytta langar stundir í flugvélum, lestum og bílum.

Flugstöðin í Singapúr best í heimi

Changi-flugstöðin í Singapúr var á dögnum valin sú besta í heimi annað árið í röð. Fjórar evrópskar flugstöðvar komust á topp tíu-listann. Verðlaunin, World Airport Awards, eru fengin með skoðunum 12 milljón farþega frá 110 löndum. Um 410 flugstöðvar voru með í valinu. Það er breska fyrirtækið Skytrax sem stendur á bak við valið. Farþegarnir voru spurðir 39 ólíkra spurninga, meðal annars um þjónustu, innritun, verslun, öryggi, tilboð og veitingahús. Singapúr-flugstöðin var einnig sú sem er með bestu tilboðin.


Fjórar evrópskar flugstöðvar komust í efstu sætin en þær eru í München, Amsterdam, Zürich og London Heathrow.

Í flokknum bestu litlu flugstöðvarnar í Evrópu, eða með 20-30 milljónir farþega, var Keflavík í áttunda sæti. Besta flugstöðin í N-Evrópu er Kastrup í Kaupmannahöfn. Besta flugstöðin til að versla í er á Heathrow í London og Kastrup í Kaupmannahöfn er með bestu öryggisþjónustu. Flugvöllurinn í Tókýó þótti best þrífinn.



VIÐ SKUTLUM ÞÉR!

flugrútan



Alltaf laus sæti



Alltaf ferðir



Frí þráðlaus internet-tenging í öllum bílum



Ferðatími u.þ.b. 45 mínútur



Hagkvæmur kostur



Umhverfisvænt

FYRIR AÐEINS

1.750 kr.*

*Míðast við að keyptur sé miði fram og til baka á: 3.500 kr.



Áætlunarferðir Flugrúttunnar eru í tengslum við allar komur og brottfarir flugvéla um Keflavíkurlugvöll.

Kaupu miða núna á www.flugrutan.is

BSÍ - Umferðarmiðstöðin
101 Reykjavík
☎ 580 5400
main@re.is • www.re.is



Skannaðu strikamerkið með snjallsímanum og kynntu þér áætlunina.

